



**Namminersorlutik Oqartussat sinnerlugit aallaqqaasiutaasumik Hr. Torben Weyhe-p oqaaserisai. Meeqqat Pisinnaatitaaffii pillugit Ataatsimiititaliap aaqqissugaanik katerisimaarnermi,
Genève-mi 24. januar 2011**

Siulittaasoq, Meeqqat Pisinnaatitaaffi pillugit Ataatsimiititaliamut ilaasortat ataqqinartut

Kalaallit Nunaanni Namminersorlutik Oqartussat sinnerlugit Kalaallit Nunaanni meeqqat pisinnaatitaaffiisa killiffiat pillugu nalunaaruteqarsinnaagama qujavunga.

Naalakkersuisut ataatsimiititaliap siusinnerusukkut inassuteqaataat tusaatissatut tiguaat, ernumanartinnartunullu tunngatillugu pitsaanngorsaattissanik nutaanik sulniuteqarlutik.

21. juni 2009 kalaallit Namminersulernertik nalliussissavaat. Namminersulernerup Kalaallit Nunaat periarfississavaa Danskit naalagaaffianit oqartussaaffinnik ineriartorneq ilutigalugu naapertuuffiatigut tigusinissamut. Inuiaat kalaallit inuiaat akornanni inatsisit naapertorlugit inuiattut imminnut aalajangiiffigisinnaasutut akuerisaapput.

Namminersornerup eqqunneqarnera meeqqanut tunngasunut sunniuteqassanngilaq, tamakkumi Namminersornerulluni Oqartussaanerup nalaani oqartussaaffigineqalereerput, taamaalillutillu taamanimiilli Kalaallit Nunaannit oqartussaaffigineqarlutik. Namminersornerup nassatarivaa politikikkut akisussaaffiit annertunerulernerat. Siunissami Kalaallit Nunaat namminersulissappat imminullu pilersugaraluni, meeqqat atugarissaarnissaat ilinniarnissaallu sallerpaatittariaqarpoq.

2. juni 2009 inuiaat kalaallit naalakkersuisussaminnik nutaanik qinersipput. Naalakkersuisut nutaat meeqqanut inuusuttunullu tunngasut Kalaallit Nunaanni politikikkut oqallisissanut pingaarnepaanut ilannguppaat. Taamaammat naalakkersuisut 2010-mi aningaasanut inatsimmi immikkut 25 mio. kr. iliuusissaq 2010-meersoq "Meeraaneq toqqissisimanartoq" piviusunnigortikkumallugu immikkoortippaat. Iliuusissanut ilaatigut ilaavoq Meeqqat Illuannik pilersitsinissaq, meeqqanut kinguaassiuutitigut atornerlugaasimasunut naatsorsuussaasoq, taamatullu Meeqqat pillugit Siunnersuisartut Meeqqallu Sinniisaata pilersinnissaannut immikkoorsillutik.

Naalakkersuisut ukiuni aggersuni isumaqatigiissut suli annerusumik Kalaallit Nunaanni piviusunnigortinniarpaat. UNICEF Danmarkimik qanittukkut isumaqatigiissut atsiorneqartoq aqqutigalugu qularnaarneqarpoq UNICEF-ip Meeqqanik inuusuttunillu ikorsiisarneq pillugu Inatsisartut peqqussutaata allanngortinnerani ikiunnissaa, inatsisitigut meeqqat pisinnaatitaaffiisa pitsaanngorsarnissaat aallaavigalugu isumaqatigiisutillu atornerqarnerata Kalaallit Nunaanni pissutsinut immikkut ittunut ataqatigiissarnissaa suli siuarsarumallugu.

Naalakkersuisut pingaarnertut qitiutippaat meeqqanut inuusuttunullu atatillugu piffissamut ungasinnerusumut pilersaarusiornissaq. Taamaammat Naalakkersuisut meeqqanut inuusuttunullu iliuusissat oqaasertalersornerat aallartippaat, kommuninit, suniiffinni ataasiakkaani immikkut ilisimasalinnit peqatigiiffinnillu siunnersuutit tunngavigalugit. Iliuusissat Inatsisartunut 2011-mi saqqummiunneqassapput, ukiunilu tul-luittuni 10-15-inini meeqqat atugarissarnissaat pillugu anguniagaqassaassalluni.

Ullumikkut meeqqanut suli atualingitsunut atuartunullu tunngatillugu iluarsaaqqittoqarnikuuvoq, ilin-niaqqiffillu iluarsartuuteqqinnissaat pilersaarutaalluni. Saniatigut Peqqinnissaqarfiup pilersaarutaasutut iluarsartuuteqqinneratigut immikkut ilisimasalinnit katsorsartinnissaq Kalaallit Nunaanni tamarmi ajor-

nannginnerulersissavaa. Ilaqutariinnut sanngiinnerusunut juumuumit neqerooruteqartarnerit meeqqanilu akiuussutissamik kapuuisarnerit annertusinikuupput.

Naalackersuisut 2009-mi atugarissaarnermut ataatsimiititaliamik pilersitsipput. Ataatsimiititaliap 2011-mi nalunaarusiartik inooqatigiissutsikkut-aningaasaqarnikkut pissutsinut tunngasoq tunniutissavaa, inooqatigiissutsikkut aningaasaqarnikkullu assigiinngissutsit millisarnissaat siunertaralugu. Ataatsimiititaliap suliassaasa pingaarnersaraat aningaasaqarnikkut ineriartornerup atugarissaassutsillu imminnut attuumasuteqarfii misissoqqissaassallugit, Kalaallit Nunaanni innuttaasut atugarissaarnerisa periarfissaasalu annertusarnissaat siunertaralugu.

Neriuppunga aallarnisaataasumik oqaaseqaatit makku Kalaallit Nunaat pillugu nalunaarusiamut ilaatillugit Kalaallit Nunaanni meeqqanut inuusuttunullu tunngasunik paasissutissiisut.

Kalaallit Nunaanni Naalackersuisut sinnerlugit Kalaallit Nunaanni meeqqat inuusuttullu atugarisaasa pitsanngorsarnissaannut siunnersuutissinnut qujavunga. Qulareqqunngilara Kalaallit Nunaata sapinngisani tamaat naapertorlugu Ataatsimiititaliap inassuteqaatai pimoorullugit suliarisarumaarai.

Oujanaq malinnaagassi.